

اعتصام

۱۳ رمضان سنه ۱۳۳۷

۱۲ جنبراره سنه ۱۳۳۵

{ منافع عامه به خارج مجموعه اسلامیه در }

- | | |
|-----------------------|---|
| طاهر المولوی | مناجات |
| فرائضی الحاج حمیدی | مبادیات قدر مضویات ده لازمدر |
| احمد شیرانی | حسن دیانت یوقه فکر سیاستدهمی یوق ؟ . . . |
| مدس محمود کامل | مسمائلر نیچون تدنی ایتدیلر عجبنا قرآن سمایه می چکیلدی ؟ |
| بروسه سلطانیسندن ناجی | بر زیارت |
| خالده نصرت کاظمی | مسلمان قادینی نعل اولمی |
| ... | حادثات ایام |
| فیثاتی (۵) غروشددر | محل اداره : فاتح - اعتصام |

آهی بر گنج اشقیای بالا اولوبده ملته
دوشوردی چاره سز بزی ضلالتنه ، فلاکنه
آسیرکه باری دوشمهدن بوتون بوتون اسارته
مبدل ایت جمالکه تجلی جلالکی

سبب اولوبده شه سز نفاقز ، شقاقز
یازیق یازیق که کیندی هب حجازمز ، عراقز
دها زیاده آرتادن شو مهلاک انشفاقز
مبدل ایت جمالکه تجلی جلالکی

آهی تربیه کد بزه محقده اولسه پک آجی
صحب روحه ایشله دی بو جانکداز اولان آجی
رحیم اولان الهمز ا عقابک الوبرر ، آجی
مبدل ایت جمالکه تجلی جلالکی

آهی غیظی طامک بزه تهاجم اجمهه
علممزده قابیناور غرضلی بر چوق افنده
باغیشلاسن بیه بزی شفیعمز محمد
مبدل ایت جمالکه تجلی جلالکی

طاهر المولوی

مادیات قدر معنویاتده لازمدر

پروسهده منتشر « مجامعه » رفیتمزدن :

حقایق اشیایی تحریری و تدقیق ایله اشتغال ایدن ذوات معالی صفاتک معلوملری
اولدینی اوزره بو عالمده تصادفی و عبث اوله رق وجوده کلش هیچ برشی یوقدر .
هر شئیک خلقی برسیده مستند و هر خلقنه برغایه مترتیدر . حق هر ذره بیله بر قانون
و انظام دآره سنده کندی خلقته یله متناسب بر وظیفه ایفا اتمکده و ایضا ایتدیکی

او وظیفه بر پایه ترتب الیه در . سر تکلیف ذراتدن شومسه قدر بتون اشیایه
میراتی و هر شئیک طبعاً و فطره مکلف اولدینی وظیفه بی حسن ایفایه مجبوری
واجب است انواعده ، انواعک افرادده کمال انتظام و اوزره تجلی به مظهرتی سایه سنده
احتوا ایندی بی نهایت محاسن و بدایع ایله شوساسله کائناتک ساحه آرای وجود
اولدینی شبهدن وارسته در .

بطلانده وجودنی اصلاحس ایدمه مدیکمز هر هانکی بر ذره نک بیله سر تکلیفدن
آزاده اوله رق وجوده کله مدیکی ثابت اولنجه صورت اعتبارله زبده کائنات سیرت
جهتله ده اکمل مخلوقات اولان انسانک هر نوع تکلیفدن وارسته اولقی اوزره قدم
شهادت عالم دنیا اوله مدینی اولویتله ثابتدر .

(وان من شیئی الا ... الخ) آیت کریمه سنک دخی شهادتی وجهله بتون اشیایه
لسان حاللرله ربانی تقدیس ایتکده لایکن ملائیکه نک بیله مسجود و مطاعی اولان
انسانک خالقنه قارشی لایقید قالمش اولمشی ممکنمیدر .

شبهه یوقکه انسانک دخی خالقنه قارشی ایفاسنه مجبور اولدینی بر جوق وظائفی
وارددر . مع هذا بو وظایفه ترتب ایدن فوائد حاشا خالقنه دکل کندیسنه طائر در .
چونکه بتون عوالمندن غنی اولان جناب فاطر کائنات ، رب العالمین و ارحم الراحمین
اولدیفندن اسما و صفاتک مظاهری اولان شعوعوالمده هر شئیک کندی استعدادیله
مقاسب تکاملنه خدمت ایدمه جک بر قانون و بر وظیفه تمین ایندی کی انسانک ده
کندی خلقت کامله سبله متناسب تعالی و ترقیسنه مدار اوله بیله جک بر جوق احکام
شرعیه و وظائف دینییه وضع ایلمش و بصورتله انسانک قدر و شرفنی برقات دها
اعلا ایتشددر .

فی الواقع جناب رب العزت عبادت و او امرینه اطاعت و نواهیسنندن بجانب
ینه انسانک سعادت و اعتلاسنه خادم ، دنیا ده و آخرتده مسعود اوله بیلیمک انجیق
وظائف عبودیتی ایضا ایله قائمدر .

بالخاصه دین مبین اسلامک احکام طایفه سعادت و نجاتک ارکان علویه سیددر .

چونکه شریعت غرای احمدیه محاسن اخلاقك، فضائل و كمالك، مادی و معنوی
ترقیات و تعالیك كافل اكیدر .

بونك ایچوندرکه دیناً مأمور اولدینی وظائفی ایفا ایدن ونهی اولدینی شیردن
اجتناب ایلیان هر هانکی مسلم هر وجهله مسعود و هر یرده ممدویدر .

زیرا دین مبینمرك امر ایندیکی هر شیك منفعت محضه ونهی ایلدیکی هر فعلك
مضرت هصرفه اولدینی بو کون جهلك مسلمیدر . حلم ، تواضع ، عدالت ،
حقوقه رعایت ، عرض و ناموسه حرمت ، ضعیفیه مرحمت ، فقرایه معاونت ،
هر بخاوقه شفقت ، هر فعل و قولده صدق و استقامت ، صوری و معنوی بتون امورد
جدیت ، اسراف و تبذیردن قطعاً بجا نیت ، هر خصوصده اقتصاده رعایت و هر زمان
سعی و عمله اقدام و غیرت و نفسی لغویات و فحشیاتدن و هر درلو سه فهاهندن صیانت
و امام المسلمینیه خیر ایلدعا و محبت و اوامر حکومته اطاعت و کمال طهارت و نظافتله
خالقه عبادت کبی شیر . موجب سعادت و اضدادینك باعث فلاکت اولدقاری انکار
قابلمیدر .

کمال طهارت و نظافتله رب العالمینیه قارشئی ایقاسی لازم کان تعظیماك واك معقول
انكافی جامع اولان صلاتك بحق ایفا ایلدیکی تقدیرده روحه و یردیکی معنوی
لذت و قابیه بخش ایندیکی صفوت و نزاهت و بدنه نأمین ایلدیکی صحت قدر سعادت متصور میدر ؟
کنندیسند ، ریا و سمعهك مداخله سنه امکان اولمان و بوسیدله عبادات بدنیه
آرده سنده ممتاز بر موقع احراز ایدن صومك لذاند معنویه سی حظوظات مادیه ایله
قابل قیاسه میدر ؟

خلاصه مادی و معنوی یوکسلك ایچون طاعات و عباداتده هیچ بر زمان تصور
ایتمه لمیدر . علی الخصوص جناب خداوند کریمك غفران ایله تبشیر بیوردینی مبارك
رمضانده وعد جایل الهییه احراز لیاقت ایچون صومك درجه چالشمایدر .
بلا مذرت ترك صلاة و نقض صوم فضاحتی ارتکابدن حذر ایتمیدر . هله قصداً
وعلماً نقض صیامدن اجتناب قطعاً لازمدر . چونکه بوحال هم خالقه مصیبت ، هم

آداب و اخلاق عمومی اسلامیه سرکشانه برخلافت و دهاد و فساد و سی حال صیامده
بولنان بوتون مسلمانله بیوک بر حقارتدر .

زیرا مسلمان عنوانیه قصدی و عافی اوله رق بتون اهل اسلامه قارشی نقض
صیامه جراتک هم صومی استخفاف ، همده صیامده بولنان بوتون اهل اسلامی
استحقار مقصدیه ابتداءیه جی شبهه نژد و بوحکمته مبتدیر که شریتمز بلا معذرت
علی ملی الناس عمدآ نقض صیام ایدنلری پک آغیر جزالره لایق کورمشد .
هیچ بر مسلمان بوکی احواله جرأت دکل تنزل بیله ایتمایدر . زیرا آداب
اسلامیه فضائل اخلاقیه ایه توام اولدیغندن مکارم اخلاقی اتمام ایچون بعث بیورمش
اولان بر نی دیشانک اتی محاسن اخلاق تمنائی اولمق کر کدر .

بنام علیه بالعموم مؤمنین و مؤمناتک صوم و صلاة کبی فرائض مباحه و سائر
بالجمله و طائف دینی حین ادایه بذل قدرت و بتون شعائر اسلامیه مزه تمامیه
رعایت و فضائل ملیه منزه حقیه ابراز غیرت ایدرک فوق العاده نازک بر دوره
مخوفده بواندیغ نژدن دئما عون جلیل باریدن و روحانیت مقدسه پیغمبریدن استمداد
ایله یین پادشاهمزک و حکومت سنبه نك مظهر فوز و فلاح اولسی و ملتیز ایله مملکتتمزک
ناش صلاح و رفاه و صلاح بولنسی خصوصنده حضور الهیده ایفای ضرعات
ایدنسی دیانت جلیله اسلامیه نامنه پک زیاده رجا ایلمرم .

فرائضی الحاج خمی

حس دیانت یوقسه فکر میاستده می یوق ؟ . .

یکی خزنه نك نقض صیامه تشویق مناسبتیه

بکن مقاله لرمدن برنده بالنامه سه سولدیکم وجهله بر آدم ؛ یاغیر دینی تربیه
ابتدائییه نك و یاخود شقاوت ازلیه نك تحلیاتی نتیجه سی اوله رق حسیات دینیهدن مجرد
ایده بیلیر . اکر هر فرد بشرک مطلقاً دیندار اولمسی "مراد الهی بولنسیه یدی ؛